

巢经巢全集

第五
册

播雅卷第十九

遵義鄭 珍子尹編輯

遵義唐樹義子方校訂

宦教諭廷銓四十首

廷銓字持平號衡園大猷子嘉慶辛酉拔貢得教官復中戊辰舉人授
印江縣教諭任十餘年告歸年五十七卒衡園少勤學讀書小樓十年
不下有所思至忘寢食作詩學錢劉秀潔自賞風骨珊珊然書畫仿董香
光不失標格讀學署花木諸篇知所志不僅在詞章也在印江時縣大
饑斗米三千錢請令發粟不聽乃自捐三百金倡助者踴躍貴買賤糶
以濟窮者全活甚衆旋大疫死者枕藉復倡捐棺埋不繼以薦又不繼
但掩瘞先後不下萬家家計浸薄不顧也可以徵其所學矣

經釣臺作

文叔敢同夢且以足加之但識故人耳不知天子誰素非矜放達亦豈矯情爲
昔者太公望號爲王者師大定分土茅稽拜不聞辭先生創一途友道始不卑
不師亦不臣亙古客星奇乃知天生人綱常在維持彼哉巢與由玩世戮民彝

連江舟中晨起

晨起無所事澄觀亦寡欲水激石自鳴山新雨初浴鷺下蘆洲白雲壓竹梢綠
槳緩知離平枕迴緣岸曲故人在何所舟子指連麓猶有一日程細談問風俗

記印江學署花木八首

我性素好竹對之卽忘憂所以猗猗處不惜終日留記得我來時空堂草盈眸
此君一日無坐臥如楚囚乃力羅而致逢人卽營求今才三歲耳簞簞運修修
可見好則聚好學學日優虛心真吾師豈止俗可瘳

堂前一畝地高下勢偏頗我惡形不正半種竹成坡其餘尙有隙掘深廣無多
便汲澗中水池之植紅荷荷竟解我意夏秋葉婆娑常發二三朵照我朱顏醅

大凡無本水欲進難盈科我以人力爲擔擔肩頰摩久則坎旣習盈缶亦莫過
持卷對花坐繞池還自哦但覺心苦同長歎歲若梭

南窗苦炎熱欲避又無地忽然念芭蕉葉大色且翠分綠上窗臺觀與遮兩利
云覓僉曰無有亦遠莫致必得斷我心一旦踵門至從此日清涼鹿亦擬酣睡
或折斜界紙付與兒作戲或抽半卷心教女書小字隨地可栽培人生本如寄
必曰物曰我豈識愚公智

余家紅綠梅先子手所樹種時余入穎春風三十度歎息廿載率莽走常道路
或則終歲遊家轉作暫駐名利日昏昏花好不肯顧茲來作冷宦附靜無外慕
作書與子季寄枝伴朝暮果然致雙根寒萼栽卽吐爾種旣安居猶言終屬寓
百年固逆旅何論去與住且近聖人居一博塵外趣

此地植山椒種類頗不蕃冷齋固宜淡如菊可弗存古稱花之殿春華不知奔
可以勵我士雪霜守其屯年年歲晚香閉門自開尊今歲苦燥濕可玩止數盆

但取開口笑佳色豈待繁

梔子香氣清其色亦晶皎自我來學官折得一枝小以其本易生封土露其杪
忽忽兩年間根肥葉如葆吐出一頭花光映月出嶺可見栽培功灌溉不可少
雖以無根樹勤澆不枯天何爲有血氣旦伐使性杳種樹得養生觀此更了了
堂前一柯梧誰植不可考上鐫數行字割裂難搜討生本琴瑟材胡爲當梨棗
猶幸不作薪而已就枯槁吾聞龍門種百尺凌清昊此樹不十尋萎茶等樗櫟
有才類如斯何怪人弗寶要知人勝天命可自我造初來值搖落枯幹逐衰草
護養非一朝呼兒時漑掃轉瞬三年來葉蔚實且早雖無威鳳至撫對先靜好
猶有二槐樹幹強苦無枝訊其所以然析薪舊無時此木若問年我似當肩隨
而我乃無兄十年長事之事之何所望日漑祝以詞願奏絲竹音科名驗騰馳
揖讓而其下學校日整治他日花正黃點金作路賞樹似听然笑計功道已非
微施責重報草木何能爲聖賢愛物意用心豈如斯愧乎責我是請謝君一卮

丁丑下第回任作三首

秋意忽瑟瑟出門無所之不若掩關坐心與古人隨古人不可作胡以質我疑
凝神與晤對觸類深長思溫故能知新庶免飽而嬉

好官多得錢常有象齒憂居不蔽風雨穿窬爲我羞兩者孰較勝一心無兼謀
端坐擁青氈穆然念前修窗前月知我何不大白浮

孔顏有至樂尋樂何嘗苦陶謝有真詩高歌常起舞君子守淡泊世情務攻取
但盡所得爲豈曰無小補

周孺人節壽行兼志李春塢得官

死易立孤難千秋誠定論巾幗有丈夫古媛何少遜挑鐙細讀春塢詩七十二
韻紀令慈夙聞壽母著苦節吾鄉三尺童子皆知之以此奇文敘奇事但見血
淚與墨和淋漓立孤難立孤難履冰霜摧心肝坦然由之行所安造物玉成亦
大幻不惜萬變先摧殘一讀再讀心含酸此文此事兩不刊使人孝弟之心生

油然壽母今年八十有二歲天錫眉壽酬孤詣春塢卽今小就廣文席便近承
歡誠至計手攜報春詩過訪屬我言我思平生節子已竟委原焉用重疊徒頻
煩惟持一語笑相贈官袍早著去迓高堂萱

柳溪卽事

兩岸蒼蒼闊澄江畫不如地經烽火後人話戰場餘離落非無市蕭條半是墟

是溪經銅仁苗匪
燒殺大不如前

夕陽常送客憑弔獨歎歔

拜余忠宣公墓

正氣邊天地千秋尙凜然一家埋井底孤冢峙江邊

皖城內風節井
公家口死節處

碧血迷春

草紅塵洗夜禪山前多白骨姓字幾人傳

漢江

漢江春色麗初日照烟隄爲客心如醉繁花眼欲迷雲深穿雁小樹遠入天低
久坐柁樓上疑遊罨畫溪

舟中晚眺

偏是羈人眼，驚春在異鄉。
草鋪沙岸綠，花簇菜畦黃。
舟穩憑灘吼，帘高覺酒香。
晚江凝眺處，山色更蒼蒼。

江村

十里五花村，家家水到門。
牛羊依淺渡，桃李笑高垣。
各有幽居樂，何知過客繁。
相看懷故國，亦豈少荒園。

江夜

野岸連舟泊，雄談欲二更。
獨憐人散後，空有酒難醒。
燒燭續還盡，看天暗弗明。
深山烟火寂，何處聽雞聲。

自皖歸舟中計清明不及抵家感賦

故鄉遊子戀佳節，倍心傷。
千里難生翼，終朝幾斷腸。
梨花迎淚眼，榆火落殘陽。
累弟孤添土，歸帆尙楚疆。

還鄉居

歸去情何極殘陽一望烟晚山銜片月涼露下高天有字憑誰問無營止自憐
行行過舊陌家在小峯前

鄰友王晴山槐蔚甲寅下第歸余與其昆仲待渡烏江聯句有秋風臨渡

口初日照波心之語未及完篇鹵鹵競渡今年其子鄉試同寓誦其尊人
續句云於口外成之感而賦此

古渡秋風廿五年曾將里語倩君聯雪泥爪印都忘記雲錦天孫竟補全萬里
艱虞完子道一生瀟灑自神仙克家應有甯馨嗣數典從容父執前

晴山曾隨其尊人出

口卒周旂奉侍而歸孝子也

登岳陽樓

又酌長瓢最上頭重湖天日古今浮赤沙青草無邊水羅國君山落木秋放覽
乾坤千里目平分吳楚一間樓杜韓大句分明在爛醉狂歌媿未休

舟次明山朱金山遇親舊邀酌姜文圖之貫月槎適余亦值滇中同年誌快

乍見歡呼喜欲狂洞庭巧合詎尋常相逢恰是曾相識異客渾忘在異鄉酒爲天涯知己醉情於梓里故人長江湖到處皆兄弟一任飛帆作主張

周石帆際華弟書報郡署白蓮大放感寄

往歲花開入幕時曾令白羽動相思贈環何事尋癡夢結社猶憐泛酒卮

司時諸友

今各雲散

豈有佳人蒙不潔斷無君子涅而滯書囊頃拾梵陀利

去年餘山先生所贈花尙在書筒中

憶爾長歌白賁詞

鄱陽湖口憶舊

十五年前憶舊遊長風巨浪送輕舟一方秋水迷紅粉半世功名感白頭空寄爪泥成底事那堪萍梗尙中流明朝重上滕王閣試問西山識我不

豫章哭蘇誠之師

帳望滄江血淚垂離魂杳杳去何之一朝失水鯨難化十載拋官印被欺

師代人受

過失官

長帳無絃琴嬾挈獨憐有子鶴相隨平生師誼兼親誼

師原中表兄

南浦西山

只佐悲

按誠之名必達鯤子乾隆己酉舉人官安徽歙縣知縣以事免卒於歙

誠之有至性自少赤貧教讀以養父病虛弱醫云當多食燕窩力求得

之不及進後入官不忍見此物以祿不及養值生忌終日流涕在任有

活菩薩之稱卒後宦囊如洗士民醵助柩始歸也

偕唐子方

樹義

表姪赴粵至贛州子方以親壽先行中秋獨坐遣興

遊子光陰一葉舟更堪斷雁觸離憂時當佳節難爲老人到中年易感秋好夢

不成江水隔良宵無伴客心愁問途百里經梅嶺却喜團團月滿頭

至唐直圃

源準

表弟粵署

茉莉花香荔子甘久聞員嶠獻冰蠶霍家中表多年別滄海閒情竟夜談有意

來嘗椰子酒無成空脫使君驂

去冬第曾以百金寄贈都中

此生不欠羅浮夢歸興何從進

嶺南

次韻荅王竹邨道行渭南道上見懷之作即送其之官二首

雲散逢春聚復春

竹村入都以乙亥二月余以丁丑正月

天涯同是轉蓬身當時傾蓋原非泛別

後關懷倍覺真萬里奔馳勞寤寐

君入都後旋至秦中再赴京

一生交道見精神鐙詞幻作

穠花麗往事翻思迹已陳

余在印江與竹村各作春鐙詞十首今都中元宵君邀飲於寓更闌始罷

渭樹情深七字詩與君市義感君知

嘉慶癸酉甲戌印江大歉死者相枕藉竹村捐金買米賤糶余爲經紀其事米價頓

平

竹村詩獎借余在印時甚過

五十功名敢恨遲行矣小民沾惠日堂哉寒士見功時

文六年培養終章事業交相勵但恨相逢又別離

次韻荅沈桐川同年見贈

出山泉水已沾塵

余以拔貢膺教職十年

南北東西一旅人欲就日邊酬壯志且從海角

探交親

余友玉希白見招因紆道南下

先生乍見情如故舊友重逢話又新

與希白別六年矣

那有文

章驚宇內不妨下里和陽春

印江寄簡堂弟

十年聚處無三月一日離思有萬回調攝病軀多服藥放寬心地少銜杯羞看

隊隊摩空雁幸傍垂垂健足梅

印學明倫堂梅二株第遣力自家移植者

微祿微官成底事鏡中常

恨鬢霜催

寄內

轉蓬身世究何爲兀坐寒齋悶不支往日捲簾雙照處今朝搔首獨吟時

家人曾來

署六年

成行兒女苦相累垂老糟糠能不思自嫁狂夫安樂少應知憔悴爲餽糜

過惺齋明府過署見余寄家詩淚潄然越日復小飲齋中賦贈

於人琴瑟心增惻

方借金接眷

憐我損篋涕更潛一饌山雞供味薄

適售角雞遂烹之

三杯

水酒媿囊慳使君屈己誠謙厚博士空齋任往還囑與應門童子記文翁到卽

啓柴關

月夜自龍陽赴長沙

秋江兩岸盡蘆花，載酒孤遊夜色賒。
醉後不知舟去住，已隨明月到長沙。

元夜

鐙火熒熒入水清，隔江遙聽管絃聲。
天涯未慣逢元夜，醉臥船頭待月明。

余以先大

母先母年高
十年未遠出

常德聞楊餘山師已逝

年來身價長龍門，借我春風坐更溫。
童子無緣親執燭，折蘭楚水爲招魂。

春暮自皖抵家同人邀遊桃源洞

三月鶯啼過落花，閒攜尊酒玩芳華。
自憐才作武陵客，暗地平章不似家。

曾孝義廣涵二首

廣涵字納川，桐梓人。嘉慶庚午舉人，授山西孝義縣知縣，與其父崇陽

知縣翕受並以廉勤稱，著有春風堂詩鈔。

戲和黃石香次韻

無事尋佳友頻過厭老奴銀喧門接帖展倒案收書蟹醉偏翻胃

時食蟹致嘔茶香

却在鬚

石香戶聯有官去茶香留舌本句余適喫茶留葉鬚上不僅留舌本矣

近來砭酒癖不敢效提壺

近戒酒

丁亥十月出雁關過昭君墓

朔風寒雪冷淒淒冢草雖青骨已泥料是香魂埋不住英靈猶賽楚江西

歸州有明

妃祠歲時香火甚盛

七夕送別

盧溝橋畔柳婆娑把酒臨歧喚奈何天上若還歡聚少人間休怨別離多

張舉人書巖二首

書巖字仰山極子嘉慶癸酉舉人仰山與兄心泉友愛甚篤試禮部歸

中途聞兄死氣絕者數至家悲不已旋卒其至性如此

還家

爲客常憶家還家復無趣愛兒恐兒驕勉強揮之去老妻不忍釋伴我庭前樹
男兒事奔走感歎空百慮土甕餘濁醪引觴自傾注安坐豈不懷茫茫歲遲暮
憶宗叔國華

吾翁未釋褐卽爲貧賤交宗盟又以訂固若漆與膠挂冠見頻頻友愛視同胞
周處空自任欲斬長橋蛟金臺敝幾裘只爲俗所嘲先生眼不白阿堵時時拋
去冬木成稼一束無真肴悲來爲想像悽風起荒郊

阮選貢朝璉一首

朝璉字玉亭綏陽人嘉慶癸酉拔貢

渡江

策馬臨江岸呼舟蘆荻間片帆趨虎渡初日見龍山客子去鄉遠耕人攜篠間
批杷門外路辛苦歎征顏

余訓導芝一首

芝字伯蘭號紫巖遵義人嘉慶丙子舉人初授廣東海康縣知縣改補
開泰縣訓導伯蘭猶子從龍字雲亭由乾隆乙卯舉人官終河南光州
知州負經濟才持躬廉正於經史家國大端皆究其源流得失常曰士
生古人後內無益於身心外無濟於民物何用讀書爲吏中州十餘年
神君之號噪兩河間爲古今詩文詞與陳心齋同時匹敵余嘗見其雜
體文一冊皆踔厲有法度問其詩稿於家不能得今編此集爲之歉然
遊南泉山次洪北江先生原韻

久慕山澤遊官拘了不喜南泉近咫尺靈鑪始今啓風停聞妙香寂坐得靜理
林影何沈沈幽情澹如洗緬懷文烈公大節照鄉里舊時學天民絃誦此山裏
至今求志處樵牧不敢履豈惟撫遺躅聞者亦應起鼎鼎歎霜鬢終年在井底

何文烈公騰蛟讀書堂故
址在山半今爲寺觀矣